



## МУШУК-СИЧҚОН ЎЙИНИ

Мана, бир неча йилки, ҳамма ёқда иқтисодий танглик деган совуқ гап-сўз юради. Лекин мен бунга ишонмайман. Чунки бизда ҳозирча барча завод-фабрикалар, корхоналар ишлаб турибди. Қишлоқ хўжалик маҳсулотлари ҳам ҳаммашагидек ўз вақтида етказиб турилибди. Бизда фақатгина Русия ёки бошқа жумҳуриятларда ишлаб чиқариладиган баъзи бир саноат моллари тақчил бўлиши мумкин, холос. Аммо озиқ-овқат маҳсулотлари, кийим-кечаклар анқонинг уруғидай ноёблашиши сирасира ақлимга сиғмайди. Нима, жумҳурият мустақил бўлаёпти, деб товуқлар тухум туғмай қўйди-ми? Ё, сизгилар сут бермаяптими? Мана, пахтакорларимиз ҳар йили «оқ олтин» режасини ошнғи билан дўндирадилар. Лекин ўзи бир парча сурпга зор! Арзимас чигитдан тайёрланган пахта ёғи-чи?! Наҳотки, иқтисодий танглик деб, улар ҳам ўз-ўзидан аллақачонларга гумдон бўлишган?!

«Постда» рўзномасининг ўтган йил 19 ноябрь сониде журналист Дилмурод Саидов имзоси билан «Халқ қачонгача қийналади?» сарлавҳаси остида Тошкент шаҳар ички ишлар, савдо ҳамда деҳқон бозорлари бош бошқармаларининг раҳбарлари номига битилган Очиқ Хат эълон қилинган эди. Ушбу Очиқ Хатга Тошкент шаҳар ИИБ бошлиғи милиция генерал-майори Ж. Камолхўжаевнинг Очиқ Жавобини ўқиб, очиқ гап, ранжидим.

Рўзноманинг хийла жойини эгаллаган ушбу мақолада қўлга тушган чайқовчилар, олибсотарлар, улардан тортиб олинган камёб моллар борасида шундай узундан-узоқ рўйхат ва рақамлар келтирилганки, бехитёр, шаҳри Тошкентда битта ҳам каззоблар қолмабди-ку, энди дўконлар тўлиб тошса керак, деган умидвор ўйга толасан. Аслида эса ўша қўлга олинган молларни бир ерга йиғса, атиги битта дўкон ҳам тўлмайди. Ахир, Тошкентда юзлаб, минглаб дўконларнинг пештахталари бўм-бўш-ку? Сарсон молларнинг қолганлари, тўғрироғи, тўқсон фонзи қаерда?!

Мана, бозор иқтисоди деган ашулани бошлаб юборилганга ҳам роппароса бир йилдан ошди. Мен гоат қувонгандим, «Қиммат бўлса ҳам, ҳар ҳолда дўконлар тўлиб туради», — деган ширин ха-

ёлга боргандим. Аммо ўйларим саробга чиқди. Дониш камёб моллар тугул, ҳатто оддий кундалик эҳтиёж моллари ҳам қуринди. Хўш, нега аҳвол бундай? Бозор иқтисоди тўғрисидаги дабдабали ҳайкириқлар қайда қолди?!

Мен тилимизни зада, дилимизни яра қилган аччиқ саволларга ўз кузатишларимдан, мулоҳазаларимдан келиб чиқиб, баҳоли қудрат жавоб бермоқчиман.

Бундан олти йилча муқаддам собиқ Советлар империясида бошланган қайта қуриш сўқиш ва қарғишларимиз нишонни бўлган турғунлик даврига барҳам бермади. Аксинча, уни мустаҳкамлаб, депсиниш даврига айлантди. Лекин қайта қуриш сиёсатининг буюк туғаларидан бири шуки, бу даврда кураш майдониде демократ кучлар пайдо бўлди-лар.

Демократлар коммунистик партия раҳбарлигидаги эски, бюрократик тузум билан ҳаёт-мамонт жангига киришди. Гоҳ у томон, гоҳ бу томон зўр кела бошлади. Баъзан келишувчилик, «омон-омон» йўлига кирдилар. Бироқ туб манфаатлар зиддияти уларни қайроқдек қайраб турарди. Оқибатда кўмфирқанинг Москвадаги идораси ёвуз бошқарув аппарати қўпурувчилик йўлига ўтди. Сунъий равишда иқтисодий қаҳатчиликлар, халқлар ўртасида қирғинлар (Қорабоғ, Сумгаит, Ўш, Фарғона воқеаларини эслайлик) уюштирди. Мақсад — халқни мавжуд қайта қуриш сиёсатидан норози қилиш, эски бюрократик бошқарувни сақлаб қолиш эди. Улар тарих ғилдирагига тўғаноқ бўлиш мумкин эмаслигини назарписанд қилмадилар. Ҳатто 1991 йилнинг 19 августиде давлат тўнтаришини амалга оширмоққа уринишди. Аммо, қош қўяман деб, кўз чиқардилар. Уларнинг муттаҳамчилиги барбод бўлди-ю Советлар империясида ижобий ўзгаришлар тезлашиб кетди. Бироқ минг афсуслар бўлсинки, эски кучлар отдан тушсаларда, эгардан тушганларича йўқ. Ҳамон сунъий иқтисодий тангликни давом эттиришяпти, ўзларининг сиёсий мақсадлари дея мазлум халққа жабр қилишяпти. Мана, ҳурматли Президентимиз Ислом Абдуғаниевич Каримов ишонч билан енг шимариб, янгитдан ишга киришди. Мен умид қиламанки, сиёсат ва иқтисоддаги тангликка, мушук-сичқон ўйинига эртами-кечми яқин ясалажак.

Л. БҮРНИЕВ.



Шу кунларда Ўрта Осиё темир йўлининг Тошкент шохбекати орқали турли шаҳарларга олиб чиқиб кетилаётган моддий-товар бойликларини назорат қилиш кучайди.

**СУРАТДА:** назорат инспекциясининг кичик вакили милиция сержанти Абдурасул Шербоев (ўнгда) шаҳардан кўп миқдорда саноат моллари олиб чиқиб кетаётган фуқаролардан бирини тўхтатаётган пайт.

Ҳабибулла ШОДИЕВ олган сурат.

## ҚУТЛОВ

Менинг отам Исроилжон Раҳимов неча йилларки Норин тумани ИИБда хизмат қилиб келмоқда. Биз онламиниз билан рўзномани ўқий-миз. Ундаги воқеалар ўсиб келаётган ёшлар тарбиясига

Ушбу мактубни азбаройи алам қилганидан ёзаялман. Нега дерсиз? Негаки «Муштум»нинг ҳар бир сониде ички ишлар ходимларини «чертишади».

Ахир, қотиллик, ўғрилик, талон-тороғлик каби жиноятларни фош этаётган,

ҳам жиддий таъсир кўрсатишга ишонамиз.

Менинг янги йилдаги тилагим рўзноманинг мухлислари тобора кўпайиб, жиноятчилик камайсин.

Муҳарририят ходимларига ва барча милиция ходимларига энг яхши тилаклар билдириб қоламан.  
Гўзал РАҲИМОВА.

## АЛАМ ҚИЛАРКАН

уларнинг олдини олаётган ана шулар бўлмай кимлар? «Муштум»чилар иш соатлари тугагач, маза қилиб хонадониде дастурхон ат-

## Ушалган орзу

Унинг қалбиде Пешку туманидаги Ленин номли ўрта мактабда ўқиб юрган кезларидаёқ ички ишлар идораларида хизмат қилишдек муқаддас бир орзу жўш урганди. Бу ҳавас Бухоро тоғ-геология техникумида ўқиб юрганида ҳам, армияда хизмат қилаётганда ҳам уни тарк этмади. Очиғи ҳадеганда унинг орзуси ушалавермади.

1978 йилда Бухоро давлат муаллимлар олий билимгоҳининг рус филологияси факультетини тугатгач, озроқ вақт Беруний номли мактабда ўқитувчилик қилди.

1979 йилда унинг азалий орзуси ушалди. Пешку тумани ИИБ ЖҚБга инспектор этиб ишга қабул қилинди. Дастлаб ёш милиционер Халлоқ Баҳромов учун анчагина қийин бўлди. Бу ишга фақат ҳаваснинг ўзи етмаслиги, энг аввало жисмоний куч, кенг дунёқараш лозимлигини сезди. Бўш вақтларида ўз устиде тинмай ишлади, ўқиди, изланди. Ус-

този, ҳозирги кунда вилоят ИИБ жамоат тартибини сақлаш бўлими бошлиғи милиция полковниги Нор Шароповдан касбнинг сир-асрорларини ўрганди ва тезда мураккаб шароитларда ҳам ўзини йўқотмай ҳаракат қиладиган бўлди. Булар ўз навбатида содир бўлиши мумкин бўлган кўплаб жиноятларнинг олдини олишга катта ёрдам берди. Х. Баҳромов ўз меҳнат фаолиятини жамоатчи активларга таянган ҳолда майда безорилик, олибсотарлар ва спиртли ичимликлар ичиб юривчилар билан курашдан бошлади ва бир қатор ижобий натижаларга эришди. Вақт ўтиши билан тажриба орттирди. Ички ишлар зобити деган юксак унвонга эга бўлди. Ўзининг ҳалол меҳнати билан ҳамкасблари ўртасида обрў-эътибор топаётган Ахтам Гулов, Донёр Қодиров сингари шоғирлар тарбиялаб етиштирди.

Бугунги кунда милиция майори Халлоқ Баҳромовни танимаган одам кам-

## ТАЙИНЛАНУВ

Ички хизмат подполковниги Эргашбой Жумабоевич Икромов Ўзбекистон ички ишлар вазирлигининг ахлоқ тузатиш ишлари бошқармаси бошлиғи этиб тайинланди.

У 1953 йили Тошкент вилоятида туғилган, миллати тожик, маълумоти олий, 1981 йили ССЖИ ИИБ Тошкент олий мактабини тугаллаган.

1974 йил июнида Совет Армияси сафидан қайтгач, ички ишлар идораларида хизмат қила бошлади. Олмалиқ шаҳар ижроқўми ИИБ қошидаги идоралардан ташқари қоровуллик бўлими катта инспекторлигига тайинланди. Кейинчалик, 1975 йил июнь ойидан бошлаб жумҳурият ИИБ АТИБ соҳасидаги оператив-бошлиқлик таркибининг турли лавозимларида ишлади. 1986 йил февралда АТИБ бўлими бошлиқлигига кўтарилди. 1987 йилнинг февралда эса УЯ 64/18 муассасаси бошлиғи этиб тайинланди. 1988 йил февралдан АТИБ бошлиғи ўринбосари бўлди. 1990 йил октябрдан Ўзбекистон ИИБ АТИБ бошлиғининг биринчи ўринбосари лавозимига қўйилди.

рофида ўтирганида, ёмғир демай, қор демай, кечани кеча, кундузни кундуз демай тартибни қўриқлаётганлар ўшалар эмасми?!

Шавкат ЕРМАТОВ,  
Ҳамза тумани ИИБ милиционер.

дан-кам. Бонси туман хўжаликлариде тез-тез бўлиб, омма ўртасида қонунбузарларга қарши курашиш ҳақида суҳбатлар ўтказиб туради, тегишли йўл-йўриқлар беради. Айни пайтда у 115 та қишлоқ, 22 та кўча, 7 та қишлоқ Кенгаши мавжуд бўлган туманда жамоат тартибига бош-қош бўлмоқда.

— Милиционерларга, участка вакилларига кўпроқ ғамхўрлик қилиш керак, — дейди Х. Баҳромов биз билан суҳбатда. — Улар қанчалик аҳоли ўртасида кўп бўлсалар, жиноятчилик шунчалик камаяди. Ходимларимиз кимларнингдир айби билан уловсиз юришибди. Ҳатто иш учун ўз пулларига шахсий машина сотиб олишяпти. Ахир, улар хизмат юзасидан узоқ-узоқ жойларга боришади-да.

Милиция майори жамоат тартибини сақлаш катта инспектори Х. Баҳромов нафақат яхши ходим, балки катта хонадоннинг бошлиғи ҳамдир. У умр йўлдоши Манзура опа билан 2 ўғил, 2 қизни тарбиялаб вояга етказмоқда.

Рашид АСЛОНОВ.

# МАҚСАДИМИЗ БИР

Яқинда Наманган шаҳридаги «Қизил Юлдуз» маҳалласи қўмитасининг раиси Ҳапизхон ака Дадабоев «Ўзбекистонда хизмат кўрсатган ёшлар мураббийси» унвони билан тақдирланди.

Аввалроқ, яъни, пенсияга чиқиши муносабати билан ўзи ишлаган 37-ўрта мактабда ўқитилган тантанали йиғилишда халқ депутатлари Наманган шаҳар Кенгашининг раиси Пазлитдин Қутпиддинов сўз олиб, Ҳапизхон ака «Жигули» автомашинаси билан мукофотлангани ҳақидаги қарорни ўқиб эшиттирганди.

Хўш, Ҳ. Дадабоев қайси меҳнатлари эвазига ушбу мукофотларга сазовор бўлди? Саволга жавоб топиш мақсадида Ҳапизхон аканинг ҳаёт йўлига бир назар солиш кифоя.

У 1944 йилда 7-синфни тугатиб, Наманган шаҳар ўқитувчилар билим юртига ўқишга киради. Айни вақтда ўзи таҳсил олган 37-ўрта мактабда бошланғич синф ўқувчиларига сабоқ бера бошлайди. Дарсдан сўнг «Қизил Юлдуз» маҳалла қўмитасида котиблик вазифасини ҳам бажаради.

15 ёшга тўлмаган Ҳапизхонни кишилар доимо куйиб-пишиб, юрганлигига гувоҳ бўлардилар.

Мактаб директори Тожибой ака Мажнунов (марҳум), шаҳар халқ маорифи бўли

мининг бош инспектори Аҳмадхон Мирзаевлар ёш Ҳапизхонга устозлик қилдилар. Ўзларининг тажрибаларини ўргатдилар. Ишдан ҳориб-чарчаб келган йигитни ота-онаси дуо қилиб, унга куч-қувват, соғлиқ тилардилар. Бора-бора она, устоз, халқ дуосини олган Ҳапизхоннинг ишлари юришиб, кишилар ўртасида ҳурмат қозонди.

Ўтган кунларни эслаб Ҳ. Дадабоев: «Мен учун оғир пайтларда иккиланаётганимни сезган устозим Тожибой

етакчи ўқитувчиларидан бири фалсафа фанлари доктори Маҳмуджон Нурматов, Наманган педагогика олий билимгоҳи ўқитувчиси, педагогика фанлари номзоди Содиқжон Алихонов каби кўплаб шоғирдларини Ҳ. Дадабоев доимо фахр билан тилга олади.

Ҳа, Ҳапизхон ака тиниб-тинчимас, меҳнатсевар инсонлар сафига киради. У 1948 йилдан 1980 йилгача маҳалла қўмитасига котиблик қилди, 1980 йилдан то

## МИЛИЦИЯ ВА ЖАМОАТЧИЛИК

ака «Сезаяпман, қийналяпсан. Бироқ қанчалик қийин бўлмасин чидайсан», — дердилар. Унинг сўзлари менга куч-қувват бағишларди. Иродамни мустаҳкамларди», — деди.

У 1948 йили билим юртини тугаллаб, Андижон педагогика олий билимгоҳига ўқишга киради. Иккинчи курсда ўқиб юганида Совет Армияси сафига қақирилади. Ҳарбийдан офицер бўлиб қайтгандан сўнг мактабда илмий мудар, директор ўринбосари вазифаларини бажариш билан бирга ўқувчиларга она тили, адабиёт ҳамда ҳарбий таълим фанларидан сабоқ бера бошлайди.

Тошкент дорилфунунининг

шу кунга қадар маҳалла қўмитасининг раиси вазифасини бажариб келмоқда. Кишилар билан биргаликда талай ишларни амалга оширмоқда.

Ҳа, маҳалла қўмитаси раисига осон эмас. Маҳаллада 1335 оила мавжуд. 7100 нафар киши истиқомат қилади. Оқсоқоллар гуруҳи аҳолининг тинч-тотув яшаши учун бош-қош. Шу боис 1990 йили 2 нафар киши хушёрхонанинг «меҳмонлари» бўлишган бўлса, ўтган йили бундай ҳол учрамади. Маҳаллада 7 нафар киши жиноятга қўл урган эди. Шулардан иккитасининг хулқ-атвори кўпчилик ўртасида муҳокама қилинди, чора белгиланди.

Маҳаллада амалга ошири-

лаётган ижобий ишлардан яна бири ёшларни ҳарбий хизматга тантанали равишда кузатишдир. Ўз бурчини ўтаб қайтганларидан сўнг эса уларни ишга жойлаштириш масаласи ҳам ҳал қилинади. Йил давомида уларнинг 145 нафари иш билан таъминланди. Бу тадбир ёшлар ўртасида келиб чиқиши мумкин бўлган ҳуқуқбузарликларнинг олдини олмақда.

— Ҳеч қайси бир маҳаллада, — дейди Наманган шаҳар ички ишлар бўлими бошлиғи ўринбосари милиция майори Муҳаммаджон Собиров, — «Қизил Юлдуз» маҳалласи каби йиғилишлар ҳамжиҳатлик билан ўтмайди. Қайси бир йиғилишда қатнашмайин, зал доимо маҳалла аҳли билан тўла бўлади. Бу, албатта, маҳалла қўмитаси раисининг, отахонлардан Аҳрормирза ака Отабоев, Умархон ака Аҳмедов, Хорилхон ака Инъомовларнинг меҳнати самараси, уларнинг халқ орасида қозонган ҳурмати, ишончи туфайлидир. Уларнинг бундай ҳамжиҳатлик билан иш олиб боришлари эса милиция ходимларининг хизматига яқиндан ёрдам беради. Чунки ўзаро ишонч, аҳиллик бўлган жойда ҳар қандай бемаза ишларнинг кўринишлари барҳам топаверади десам, мутлақо янглишмайман.

Ҳа, йилнинг ҳар чорагида бўлиб ўтадиган маҳалла йиғилишида қатнашган ҳуқуқтартибот ходимларининг Ҳапизхон ака Дадабаев ҳақидаги фикри ана шундай.

Н. МАМАЖОНОВ.

## МУНДИРЛИ ЗУРАВОН

Максим Горький майдо-ни яқиндаги пойафзалларни қайта тиклаш устанонаси доимо мижозлар билан тирбанд бўлади. Бир кун ишим тушиб, устанонага кирдим. Кўпчилик навбат пойлаб турар, уларнинг аксарияти хотин-қизлар эди. Уларга қараб, бош уста шоғирдларини тезлайди. Ахир, аёлларни уйда ҳам қанча юмуш кутиб турибди.

Шу пайт томдан тараша тушгандек икки миршаб пайдо бўлди.

— Ҳозир «безочеред» этигимни тиктираман, — деди бири турнақатор одамларга беписанд кўз ташлаб.

Шеригининг кўзи етмади, шекилли:

— Шунча одам турибди-ю, — деди ботинқирамай.

— Йўқ, ҳозир. Устани бир соат ишлатмай олиб ўтирсам, ҳаммаси кутиб-кутиб кетади, — деб беўшов иршайди зўравон миршаб.

Навбатда турган қизлардан бири унга норози қиёфада қараб қўйди.

— Ҳов, оймча ўқрайверма, кўзингни ўйиб олмамай тагин.

Ҳеч кимдан садо чиқмади.

Зўравон миршаб навбатдагиларни буткул довдиратиб бўлгач, устага ўшқирди.

— Ҳов, чарм борми, чарм, этикка қоқадиган?

Уста бир мижозларга, бир миршабларга қараб индамади. Афтидан, у ҳам қонун ҳимоячиларидан чўчирди.

— Ҳамма навбатда турибди, сиз ҳам озгина кутсангиз-чи, — дедим босиқлик билан.

Миршаб ғазаб ва жаҳолатга тўла кўзларини менга қаратди:

— Сан кимсан ўзи?! Ман хизматдаман, «безочеред» ҳаққим бор. Оббориб 15 суткага қамаб қўяман, ана, ундан кейин кўрсан.

Осойишталик посбони мен томон ҳезланиб юра бошларкан, оғзидан боди кириб шоди чиқарди.

Устационадагилар ерга қараб қолишди. Кимдир тезроқ бу ердан қочиб қолиш тарадудига тушди. Ҳеч бир кимса ботиниб миршабларга чурқ этмади. Ишончим яна бир қарра комил бўлдики, одамларимиз таом журъатсизлик ботқоғига ботишган, ҳар қандай қолипга сиғиб кетаверадиган қонунларимиз уларнинг оғзини бойлаб ташлаган. Ҳар қанча ҳақоратни ҳам бўйнимизга тумордай осиб, индамай кетаверамиз.

Қонунларимиз қачон халқ дардига малҳам бўлади? Қачон жабрдийдаларни ўз ҳимоясига олади?! Манавидай зўравон миршабларнинг танобини тортиб қўядиганлар топиладими? Миршаб мундири дуч келгани ҳақоратлашга имтиёз берадими?!

Шаҳноза КАЛОНОВА, журналист.

## ҚИСКА САТРАЛАР

### ЯНГИ ЙИЛНИНГ БИРИНЧИ ҚОНУНБУЗАРИ

Янги йил бонг ургандан сўнг икки соат ўтгач, Тошкент трактор заводининг навбатчи соқчиси 21 ёшли Скворонский кўчага чиқиб, ўткинчи «ГАЗ-24» автомашинасига муз ота бошлади. Ҳайдовчи эса унга танбеҳ берди. Скворонский бўлса кайфнинг кучидан болохонадор сўкинди. Бу ҳам камлик қилгандай ўзига бириктирилган қуролни ҳайдовчига ўқталмоқчи бўлганди, беҳосдан тепки босилиб кетди. Отилган ўқ эса ўзининг оёғига тегди.

### КУПОН ҲАЙРАНДИ

7 январга ўтар кечаси Тошкент шаҳар Чилонзор тумани ҳудудидаги 6-турар-жойдан фойдаланиш идорасига ўғри тушди. Тунги «меҳмон»лар хона эшигини бузиб кириб, темир қутидан 1800 сўм пул ҳамда 15000 сўмлик купонларни хотиржамгина ўмариб кетишди. Ажабланишли шундаки, бу идора қўрилланмас, ҳаттоки ташвишгоҳ билан жиҳозланмаган экан.

### ХУКМИНИ ҲАМ ИЖРО ЭТДИ

Жиноят Мажмуасининг бир неча бандлари билан айбдор, деб топилган, муқаддам тўрт марта судланган, ўта хавфли жиноятчи Карловский олий жазага ҳукм қилинганди.

У ҳибсхонада сақланаётган эди. 35 ёшли Карловский яқинда ўз жонига қасд қилиб, ҳаётдан кўз юмди.

### ТИЛЛА ҲАҚИДА

7 январь кун соат 16 ларда Олмалиқ шаҳридаги кон-металл корхонасида уста бўлиб ишловчи, 1964 йилда туғилган Ҳодиев ишдан қайтаётган 200 грамм тилла қуймасини ёнига солиб олди. Бироқ назорат пунктдан ўтаётганида милиция ходимлари уни тўхтатдилар.

Исмонл МИНАВВАРОВ.



Маслаҳатлашиб иш олиб борганга нима етсин. Халқимиз кенгашли тўй тарқамас, деб бежизга айтмаган, ахир. Суратда кўриб турган кишиларингиз ҳам ҳар доним келишиб, бамаслаҳат ишлашгани оқибатида сезиларли натижаларга эришмоқдалар.

СУРАТДА: (чапдан) Ахис қишлоқ Кенгашининг котиби Абдуллаев, милиция катта

лейтенанти участка вакили Б. Саримсоқов, Хўжаанд қишлоқ Кенгаши ходимлари М. Қурбанов, П. Раҳмонов ва милиция майори участка вакили А. Ҳамроевлар ҳуқуқ-тартиботни мустаҳкамлаш борасида қилинадиган ишлар ҳақида маслаҳатлашишмоқда.

Боқижон ХОЛМИРЗАЕВ олган сурат.

## МАХСУС КИЙИМ БЕРИЛДИ

юраверишга қарор қилдию, қўлини силтаб йўлга равона бўлади.

Равшан эса унақа содалардан эмас. Бировнинг устида олифтароқ нарса кўрса, жини кўзийди. Еш бўлишига қарамай бежирим кийим одамини нақадар очиб, мартабали кўрсатиб юборишини биларди-я, қургуур.

У тенгдоши Маҳкамни олиб, қоронгу/тушиши билан кўпқаватли уйлар ёнида санқийдиган одат чиқарди. Ота-онаси ҳам ҳали у, ҳали бу нарсаи бўлиб

келаётган Равшандан шубҳаланишмади.

Аммо кунлардан бир кун уйларига Ленин тумани ИИБдан чақирит қоғози келди-ю, ўғилларининг эгри қадамларидан хабар топилди.

Равшан ўртоғи Маҳкам билан навбатдаги «олифта»ни кутинларди. Вақтлари зое кетмади. Бир неча дақиқа ўтгач, уйларнинг биридан «зўр» кийинган ўсмир чиқди. Равшан олдида, Маҳкам орқасидан уни исканжага олдилар.

Кийимингга қараб кутишади, ақлингга қараб кузатишади, деган ибора бор. Аммо ҳозир ҳамма нарсани кийим ҳал қилади, десак янглишмаймиз. Шундай қимматчилик, йўқчиликда кўнгилтортар устбошни топиб кийганга нархи олдидаги жасорати-ю, топқирлигига тан бермай илож йўқ. Ҳозир бирон янги нарса илиб чиқсанг, ғирт бегоналар ҳам: «Қаёқдан олдингиз, қанчага?» — деявериб хит қилиб юборади. Чунки баъзиларда пул бор, буюм йўқ.

Унис ҳам, буниси ҳам йўқларга қийин. Энг қийини соддага.

Хуллас, нарх-наво пасайгунга қадар эски-тускисид

— Устингданини еч, — дейишди бараварига.

— Нега ечарканман?..

— Ҳозир орқангга тираб турган пичорин билан бўйингга тортвораман, кейин биласан негалгини.

— Қани бўл, тезроқ. Гапга кирадиган болалар яхшида. Энди, туфлингини...

Ўсмирни 1250 сўмдан ортиққа туширган йигитчалар кўздан гойиб бўлишди. Бироқ ечинтиришни кузатиб турганлар бор экан. ИИБга сим қоқилди.

Икки «кийимсевар» икки йиллик махсус кийим билан таъминланиб, устбош тониш дардидан фориғ бўлишди.

М. ИБРОҲИМОВА.

Тунги соат уч. Икки нафар йўловчи ҳала-ҳула машинага қўл кўтармас, кўпинча таксилар атрофида гирдикапалак бўлишарди. Ниҳоят улар бекатда турган яп-янг «ГАЗ-24» белгили, давлат рақами 37-73 ТНБ бўлган машина ёнидан кўз ташлаб ўтишди. Пул санаётган ҳайдовчи уларни сезмади. Пулнинг чўғидан Дмитрийнинг кўзи мошдек очилиб, укаси Игорни бир чеккага имлади.

— Кўрдингми, — деди у, — пули кўлга ўхшайди. Машинасиям зўр экан. Қани, бориб гаплаш. Кўнса олдиға сен, орқа ўриндиққа мен ўтираман.

Ҳаммаси у айтгандек бўлди. Такси ҳайдовчиси уларни «Биродарлик қабристонига» гача элтиб қўйишга рози бўлиб, моторни ўт олдириди. Машина ҳеч қанча йўл юрмасдан йўлда турган якка йўловчи қўл кўтарди.

— Дўмбирободгача, — деди эшикни очиб.

— Йўлимизда экансиз, марҳамат, — деди такси ҳайдовчиси.

«Эҳ, ишнинг белиға тепдинку», деди ичида орқа томонда ўтирган Дмитрий ва бироздан сўнг таксичига мурожаат қилди:

— Энди сиздан битта илтимос-да, братан, бу оғайнини Дўмбирободга ташлаб, сўнгра бизларни метронинг «Комсомол» бекатига обориб қўйсангиз.

Якка йўловчи Дўмбирободда қолди. Такси машинаси метронинг «Комсомол» бекати ёнида тўхтади. Дмитрий шартта ўнг қўли билан шофёрнинг жағи остидан бўғиб, суянчиқ томон тортди-да, чап қўли-

# ОЛАПАР Сирни Фош этди

даги пичоқни бўйнига санчди. Олдинги ўриндиқдаги болакай ҳам қараб турмади. Шофёрнинг оёғини эшик бурчагига оёғи билан тепиб қисар, қарши-



лик қилмаслиги учун уринди. Ҳайдовчи ҳам бақувват экан. Бўйнидан пичоқ егач, қўрқувдан кўзлари қинидан чиқаёзди. Бутун вужудини ишга солиб, шартта эшикни очди-ю, ўзини ерга отди.

Ўриндан туриб, тўғрига қараб қочди.

Ишни эпполмаган ака-ука қўлга тушиб қолишдан қўрқиб, қандайдир ҳовли этагидаги зовур томонга югурди.

Ҳайдовчи қарасаки, босқинчилар қаёққадир ғойиб бўлишибди. Машинасига ўтираркан, бўйнидан тўхтовсиз қон оқар, ўзиям аҳволи ёмон бўлаётганини сездида, 6-шаҳар шифонасига томон машинасини елдириди.

Чилонзор тумани ИИБ милиция ходимлари номаълум жиноятчиларни излашга киришишди.

Ярим тунда Олапарнинг ўта безовталаниб ириллашидан уйғониб кетишган ака-ука Зукуровлар кийиниб, ташқарига чиқишди. Не кўз билан кўришсинки, занжирбанд ит ҳовли этагидаги зовур томон ирилларди.

Ака-укалар икки қорани кўришди-да, таёқни қўлга олишиб, бемаҳал ташриф буюрган «меҳмонлар»ни уйларига олиб киришди. Сўнгра милиция чақиринди. Ҳаммаси Чилонзор ИИБда аён бўлди.

Номаълум кимсалар ўша такси ҳайдовчи М. Аҳмаджоновнинг жонига қасд қилиб қочган йигитлар эди.

Мана, улар ким эканлар: Ҳамза туманидаги Лисунова кўчасида яшовчи 1969 йилда туғилган Дмитрий Башкатов ва унинг укаси — 1974 йилда туғилган Игорь экан. Вояга

етмаган Игорь 1990 йилнинг апрель ойида ўғирлиги учун Ҳамза тумани халқ суди томонидан 3 йилга озодликдан маҳрум этилган. Лекин 5-ҳунар-техника билим юртида ўқиётганлиги туфайли жазо 2 йилга кечиктирилган экан.

Бу жиноий иш Тошкент шаҳар суди аъзоси Д. Ибодов раислигида кўриб чиқилди. Судда Дмитрий Башкатов вояга етмаган укаси Игорь билан спиртли ичимлик ичиб, «каттароқ иш» қилиб, мўмай пул топиш, бу йўлда лозим бўлса, инсон жонига қасд қилиш учун пичоқ олиб қўналгага чиқишганини, таксичига ҳужум қилиб пулини олишни мўлжаллаштиришганини, лекин ов юришмай қўлга тушиб қолганликларини тан олишди. Уларнинг онаси эса далилий ашё — ошпичоқни таниди.

Суд Дмитрий Башкатовни 11 йил муддатга қамаб, жазони қаттиқ режимдаги ахлоқ тузатиш колониясида ўташи, Игорь Башкатовни эса ЎзЖМсининг 127, 116, 15-80-моддалари билан 6 йилга, олдинги жазо муддатини қўшиб, 8 йилга озодликдан маҳрум этиш тўғрисида ҳукм чиқарди.

Инсонга фойдаси тегадиган иш билан шуғулланиш у ёқда турсин, жамиятга зараркуналда, ўз жигилдонини ўйлаб, бошқалар ҳаётига чанг солувчи гумроҳларга ҳеч қандай шафқат бўлмаслиги керак. Ундайлар қаттиқ жазога лойиқ.

**Р. АКВАРОВ,**  
Тошкент шаҳар суди раисининг ўринбосари.  
**Х. МУЙДИНОВ,**  
милиция старшинаси.

# ҚОТИЯ ЖИЯН

Уз тоғасининг умрига зомин бўлган ўттиз ёшлар чамасидаги Юра А. Икромов тумани прокуратурасининг катта терговчиси қаршисида тўнг бўлиб ўтирибди.

— Қотилликка нима мажбур қилди сизни? — деб қайта-қайта сўрарди терговчи ундан кўзларини узмай. — Қанчалик оғир бўлмасин, барибир ҳаммасини гапиришингиз керак.

Юра чекиш сўради. Афтидан уни сўнгги пушаймон қаттиқ азобга қўйганди.

— Узим Загорскда туғилганман. Аммо болалигим Ўзбекистонда, Янгийўл туманида ўтди, — деб гап бошлади у. — Мактабни битириб, хизматга кетдим. Очик гап, ҳарбийда кескин ўзгардим. Кўрс ва ўжар, урушқоқ бўлиб қолдим. Иродам бўшади. Хизматни тугатиб, Ўзбекистонга қайтдим. Лекин икки ҳафта ўтар-ўтмас яна ўша ёққа жўнадим. Афсуски, ўғрилиқ билан қўлга тушиб қамалдим. Озодликка чиққач, Тошкентга келдим курилишга ишга кирдим. Мана, тинчгина ишлаб юрган пайтим...

Юра бош эгиб жим қолди. Хонага оғир жимлик чўкди. Анчадан сўнг айбдор титраб-қақшаб узун-юлуқ ҳикоясини давом эттирди...

Юра тоғасининг уйига тез-тез қадам ранжида қилиб турарди. Албатта, руҳий касал бўлган қариндошининг ҳолидан хабар олиш учун эмас, балки, еб-ичиш дардида. Кўп ҳолларда Юра вино қўлтиқлаб келар, андак бошлар қизиб, кўзлар сузилгач, тонг отгунча бақирчақир қилиб чиқарди. Бундан безор бўлган қўшнилари бир неча бор милицияга ҳам хабар қилганлар...

Уша машўм кун тоға эшикни очмади. Қаҳру ғазаб отига минган Юра эшикни тепа-тепа қулфини бузиб ичкарига кирди. Тоға-жиян бир-бирига отилишди. Аммо меҳру муҳаббатли кучоқ очибмас, балки жаҳл ва нафрат билан мушт ўқталшиб...

Қий-чув, тўс-тўполон кучайгандан кучайди. Кекса тоға касалманд ва кучсиз бўлишига қарамай анчагина бақувват, чаққон жиянига бўш келмасди. Бақир-чақирга ортиқ бардош беролмаган қўшнилари бирин-кетин йўлакка чиқишди. Ҳай-ҳайлашиб, шармандаларни ажратиб қўйишди. «Тинчгина уйингга кетгин», — дейишди улар Юрани кўча томон тортқилашиб.

Аммо Юра узоққа кетмади. Узининг айтишича, қилмишига пушаймон бўлиб, эшик қулфини тузатиш мақсадида изига қайтди. Бироқ тоғаси уни заҳар-заққум гап-сўзлар билан қарши олди. Юра парво қилмай қулф тузатишга киришди. Лекин тоғасининг ғингишиши, тинмай турткилаши ҳиқилдоғига келган, қўлидаги болғани чоғлаб... унинг бошига тўширди...

Юра айбига иқроор. Пушаймонларининг чеки йўқ. Бироқ у қилмишига яраша жазо олади. Зеро халқимизнинг «қилмиш-қидирмиш» деган ҳикмати бежиз эмас...  
**Шовқиддин САМИЕВ.**

## ҚИДИРИЛМОҚДА



Жумҳурият ички ишлар идоралари томонидан 1903 йилда туғилган Борис Арзуманович Бабаян қидирилмоқда. У Наманган вилоятининг Задарё туманидаги «Гулбоғ» жамоа хўжалиги худудида жойлашган уйдан 1991 йил 8 ноябрь куни чиқиб кетган ва дом-дараксиз йўқолган.

**БЕЛГИЛАРИ:** паст бўйли, озгиндан келган, ўнг оёғи оқсоқланади.

**УСТ-БОШИ:** эғнида қора рангли костюм, фуражка, оёғида шипак бўлган.

**АЛОҲИДА БЕЛГИСИ:** хотираси ёмонлиги учун эслолмайди.

Борис Бабаяннинг қаердалигини билган ёки у ҳақда бирон-бир маълумотга эга фуқаролардан ёнги яқин милиция бўлимларига «02» рақамли телефон орқали хабар беришларини сўраймиз. Тошкент шаҳридаги 45-77-34 рақамли телефонга ҳам мурожаат қилиш мумкин.

## Шошма-шошарлик ақлли кишиларга ҳам панд беради.

Ишбилармонларга ҳам. Жомашўйлик Роберт Ким Задарё туманидаги қассобхоналардан бирини аниқлашга жихозлади. Ен-атрофини тозалаган бўлди-да, воситачи дўконга айлантирди-қўйди. Ичинини товарга тўлдирди.

Бироқ эртасигаёқ соат 8 ларда ИИБга дод солиб келди. Дўконни текширган оператив гуруҳ ходимлари ўғрилари томдаги фанерни кесиб ичкарига киришганлигини аниқлашди. Ташвишгоҳ

Уйчи туманида яшовчи, эндигина йигирма етти баҳорни қаршилаган Шариф Қамбаров ҳарбий хизматдан қайтиб, ҳайдовчилик қила бошлаганда яхшигина йигит эди.

Аммо нима жин урди-ю, текин даромад пайига тушиб қолди. «ОБХСС ходимман» деб унча-мунча соддаларни лақиллатадиган, камёб моллардан топиб беришни ваъда қилиб, пулини шиладиган одат чиқарди. Аммо кўза кунда эмас, кунида синади, деган нақлни унутди. Оқи-

Ҳаётда шундай ажойиб инсонлар ҳам бўладики, юрган йўлларда, яшаган жойларида, қаерда ва қай аҳволда бўлишдан қатъий назар тиришқоқлиги билан унутилмас из қолдиради. Шундай инсонлардан бири Зиёдилло Нарзуллаевдир. Унинг асли касби ҳайдовчи бўлиб, тақдир тақозоси билан машина рулини бошқариб кетаётганда, кутилмаган воқеа юз бериб, муассасамизга тушиб қолди. Бу ерда Зиёдилло ўзини сира йўқотмади, тақдирга тан бериб, ўзини иш билан овуттишга киришиб кетди. Зиёдилло ҳайдовчиликдан

## «РАҲБАРА»

симлари пультага уланмаган, ерда ётарди. Шу бугунқоқ улатмоқчи эдим-а, худди мақсадимни билгандай ҳаракат қилишибди, — дея олди Роберт.

Тафтишчилар 8 минг сўмдан ортиқ буюмлар ўғирланганлигини айттишди.

Қидирув натижасида учинчи кун иш вояга етмаган уч ўсмир аниқланди.

Бу ҳақда Задарё тумани

ни ИИБ бошлиғи Т. Аҳмадалиева ахборот берилганда, у қидирувни давом эттиришни, мазкур жиноятга катта одам раҳбарлик қилганини айтди.

Дарвоқе, бошлиқ ҳақ чиқди. Чиндан ўсмирларни алдаб, жиноятга йўллаган шахс ҳеч қаерда ишламайдиган, яшаш жойи ҳам тайинсиз Алексей Удалов экан.

**Н. МАМАЖОНОВ.**

## ҲАРОМДАН КЕЛСА БОЙЛИК...

батда 1987 йили қадди буюкилиб, боши эгилиб, қора курсига ўтирди ва уч йилга озодликдан маҳрум қилинди. Минг афсуски, Шарифбой Қамбаров тавбасига таянмаган экан ҳали. У қамоқдан «малака ошириб» қайтди, шекилли, яна эски ҳунарини бошлади.

Шу йилнинг 4 августида фуқаро Сарбалали Жамшидовни аврай-аврай шифер топиб бериш баҳонасида нақ олти юз сўмини қўртдеккина қилиб санаб олди. Лекин нафси қонмади, ҳойнаҳой,

шу куннинг ўзидаёқ Ҳамида Набиева деган муштипар аёлнинг эски пулларини янгилаб бериш баҳонасида 1100 сўмини жиғилдонига урди. Бироқ ҳаромдан келса бойлик, оқибати вой-войлик, деган халқ ҳикмат бежиз айтилмаган экан. Учар йигит Шариф Қамбаров милиция катта лейтенантлари Б. Халилов ва А. Назаровлар томонидан қўлга олинди.

**О. МАҲАМАДАЛИЕВ,**  
Уйчи тумани ИИБ бошлиғи ўринбосари милиция майори.

## ПАНЖАРА ОРТИДАН ХАБАР

# ИШБИЛАРМОН

ташқари қатор нодир касбларнинг соҳиби эканлиги маълум бўлиб қолди, бу йигит ҳамма ишларни қийналмай бажараверди. Унда пайвандчилик, дурадгорлик, электр тармоқларини тузатувчи ва ҳар қандай автоуловларга жон ато этувчи хислат намоён эди. Келганига бир неча ой бўлибдики, бу қўли гул инсон дурадгорлик устaxonасини ишга солиб юбор-


ди. Янги иморатнинг эшик ва ромларини қўлдан чиқариб, жойига ўрнатиб қўйди. Бундан ташқари ётоқхона, ошхона ва дам олиш хоналаридаги дераза ойналари, тумбочкалар ва стол-стуллари кўздан кечириб, яроқсизларини асли ҳолига келтирди, етишмаганларини ясаб бериб, маҳсулларнинг ҳурматига сазовор бўлди. Муассаса бошлиқлари томони-

дан беминнат меҳнатлари эвазига рағбатлантирилди.

Зиёдиллода яна бир ажойиб фазилат борки, у ҳам бўлса, билганим фақат ўзиники, деб иш тутмайди. Енига Суёнбой Усаров ва Эркин Каримовларни олиб, дурадгорлик касбининг сирларини ўргатмоқда. Бу икки йигит ҳам қисқа вақт ичида ёғочга жило берувчи, жон бағишловчи дурадгорларга айланишди. Улар усталари Зиёдиллодан ҳаминша мамнун. Чунки ҳозирги пайда бир йигитга қирқ хунар ҳам оз.

**Ф. ЖУРАҚУЛОВ.**

# Шанба учрашувлари



## «Синиқ экан милтиғи»

Дилмурод ЖАББОР Бухоро шахридан. Рўзноманинг ашаддий мухлиси. Болажонларимиз учун ажойиб шеърлар битади. Унинг тахририятимизга йўллаган туркум шеърлари ҳам жондан азиз фарзандларимизга аталган.

### ТУЯНИНГ УСТИДА

ТУЯНИНГ УСТИДА  
Янтоқ солдим яккамхда  
Боғлиқ турган туяга.  
Устига бир минсам деган,  
Фикр келди мияга.  
Чу дегандим, секин турди,  
Кўзим тиниб кетди-я.  
Эсим қурсин қаёқданам,  
Шундай хаёл ўтди-я.  
У тик туриб янтоқ

кавшар,  
Атрофига алаяглаб,  
Назаримда минут сайи,  
Борар эдим баландлаб.  
Сакрай десам жой юмшоқмас,  
Осилишга калта дум,  
Бошим оғиб кетаяпман,  
Қутқаринглар, ким бор,  
ким?

## КИНОДА

Кино давом этаётир:  
Овчи ўрмон кезади.  
У бирдан йиртқич қашқир,  
Изларини сезади.  
Шу дам милтиғин буқлаб,  
Жойлаб қўяр унга ўқ.  
Йўл юрар овни чўтлаб,  
Хавотирга ўрин йўқ.

Ўғлим кўриб — кизиқиб,  
Менга савол қотади:  
— Синиқ экан милтиғи,  
Дада, қандай отади?

Дилмурод ЖАББОР.

## КЕЛИНГ, БИР КУЛИШАЙЛИК

Милиционер:  
— Шундай қилиб, эрим йўқолиб қолди, денг. Айтивчи, унинг алоҳида белгилари бормиди?

— Йўқ. Лекин ишонинг, қайтган заҳоти ўзим унга алоҳида белгилар қўйиб қўяман!

Йўлтўсар ўғри: «Ахир, унинг ўзи менга хужум қилдида. Мендан ўтгани шуки, ўзимни ҳимоя қилаётиб, чўнтагидаги ҳамёнини билмасдан олиб қўйибман, холос...»

Ишдан чарчаб қайтган эр хотинига деди:

— Онаси, овқат-повқатинг борми? Хотин:

— Кечаги шўрвага тобингиз қалай, дадаси?

— Бўлаверади.  
— Ундай бўлса, эртага ичақоларсиз...

Чумоли уйига келгач, хотинига мақтанди:

— Биласанми, бугун нима қилдим? Ўрмон ёқасидаги ялангликда филни дўппослашган экан, қатордан қуруқ қолмай деб, мен ҳам лунжига бир мушт туширдим.

Эртасига эрталаб унинг эшигини тақиллатишди:

— Чумолиной, сен кеча филни урувдингми?

— Ха, урувдим.  
— Ундай бўлса, қани, олдимизга туш! Сени қотилликда айблашайпти.

Тбилисига ташриф буюрган бир меҳмоннинг пиво ичгиси келиб қолди. Бу ердагилар қайтим беришни сира ёқтирмасликларини олдин ҳам эшитгани учун сотувчига бир сўм берди. Пивочи эса унга бир зумдаёқ эллик тийин қайтим узатдида, миқ этмай тураверди. Меҳмон бундан ажабланди:

— Мен ўйловдимки, сизларда...

— Менга қара, қар-р-риндош! — деди шунда сотувчи. — Бизда бугун умуман пиво бўл-май-ди!..

Бошлиқ:  
— Сизни ҳузуримга чақиртирганнинг боиси шуки, бир масалани аниқламоқчийдим. Айтивчи, иссиққа, чанг-тўзон ва пашшаларга чидамлимисиз?

— Э, асти сўраманг!  
— Жуда соз! Ундай бўлса меҳнат таътилга бу йил декабрь ойида чиқасиз.

Урисчадан Ҳамидулла АБДУЛЛАЕВ таржимаси.

(«Детектив» рўзномасининг ўтган йилги 9-сонидан олинди).

## РАҲМАТ СИЗГА, ЖИЯН

Бу воқеа кунин кечагина бўлиб ўтди. Ишхонамдан келатган эдим. Машинам шундоқки Ички ишлар вазирлиги олдида—йўлчиқоғининг тақинасида юролмай қолди. Олд гилдиракнинг дами чиқиб кетди. Роса йўл ўртасида эканман, қатновни тўсиб қўймай деб, дами чиққан гилдиракда бўлса ҳам машинани бироз четроққа олдим. Кейин гилдирак алмаштиришга тутидим. Ҳаҳ, қандай қилинарди, а! Рулини бир бало қилиб эплайман-а, лекин биздақа китобий одамга бунга темир-терсақ ишлари... Хуллас, ҳийла эсанкираб қолдим. Қўлим-қўлимга қовушмас, кўтариш асбоби ҳам ҳа деганда

тешигига маҳкамланмас, энди маҳкамлаб бурай бошласам, ўқининг учини машинанинг эшигига тақалиб нақ тешгудек бўларди.  
Менинг терлаб-пишиб питирлашимни шу ерда қатнов тартибининг кузатиб турган автомобиль назорияти ходими — ёшгина йигит (сержантмиди, старшинами — яхши қарамабман) кўриб турган экан, охири тепамга келди.  
— Ун беш минутдан бери кузатиб турибман, роса қийнаиб кетдингизку, тоға, — деди у. — Ййи, эҳтиёт бўлинг, эшикни тешиб қўясиз. Машина ҳайдашга ўқингисиз ўзи!  
— Мен кўчада жуда қондали юраман, фақат, шу туза-

тишга келганда...  
— Қани, бўёққа беринг, — деди у кўтариш асбобини қўлимдан олиб, яхшилаб ўрнатиб берди. Кейин «у қилинг, бу қилинг», деб турди, бир зумда гилдиракни алмаштирдим-қўйдим. Лекин мен у йигитга жуда бесўнақай, ўқувсиз туюлдим, шекилли, икки гапининг бирида киноя билан «вой, тоғай!» — деб қўярди.  
— Энди йўлда эҳтиёт бўлиб боринг, э, тоға, — деди ҳалиги йигит мени кузатиб қўяркан. Мен ҳийла кинояга бой бўлса ҳам уddaбурун бу йигитга ўшандаям раҳмат айтган эдим, ажабмас у рўзноманинг шу сонига кўзи тушиб қолсаю, кимлигини билса. Шу боисдан мен унга яна бир бор:  
— Раҳмат, сизга, жиян! — дейман.  
Мухтор ХУДОЙҚУЛОВ.

## ЛАТИФАЛАР

### ТЕЗЮРАР МАШИНАЧА

Ҳомиладор аёл ўғлидан сўради:

— Нима хоҳлайсан укамин ёки сингил?

— Тезюрар машинача, — деди болакай.

### ЯНА СИНДИРАЙМИ?

Котиба хўжайинга чой дамлаётиб, чойнакни синдириб қўйди ва қўрқиб кетди.

Бунини кўриб турган хўжайин уни тинчлантирган бўлиб:

— Ҳечқиси йўқ, хижолат чекманг, — деди ва астагина ўлиб қўйди.

Упичдан сархуш бўлган котиба сўради:

— Яна бирор нарсани синдирайми?

### СИЗ ШОҲ БЎЛГАЧ...

Бир амир билан замона муллеси тил бириктиришиб, Мушфиқийдан кулмоқ учун унинг хонасига кириб келишди. Бахтга қарши хонанинг юқорисидида бир эшак мудраб ётарди. Амир сўради:

— Мушфиқий, нима учун эшагингизга хонанинг тўридан жой бердингиз?

Мушфиқий жавоб қилди:

— Сиз тахтга ўтиргандан буён ҳамма эшаклар тўрға чиқадиган бўлиб қолди!..


Тожик тилидан  
Дилмурод САИДОВ  
ўтирган.

1. Коммерция.
2. Разница.
3. Исследование.
4. Природа.
5. Потери.
6. Лови.
7. Гроб.
8. Агитация.
9. Расписка.
10. Медицина.
11. Четыре.
12. Обеспечение.
13. Трон, престол.
14. Пух.
15. Терпение.
16. Организация.
17. Прогресс.
18. Распределение.
19. Клевета.
20. Пропаганда.

Тузувчи:  
Йўлдош НАСРИДИНОВ,  
милиция подполковниги.

жавобларини Қўқон шаҳридан Н. Мамадиева, Жиззахлик Т. Тугалов, А. Эргигитов, Когон шаҳридан С. Розиков, Тошкент шаҳридан Н. Иноғомовлар тўғри топишган.

## БОШҚОТИРМА



Ҳурматли рўзномасевар!  
Биз бугун чоп этаётган бошқотирманинг шартини бироз бошқачароқ ва осонроқ. Шартда берилган ўрисча сўзларни ўзбек тилига ўгириш керак, холос. Бу бошқотирма давлат тилини ўрганаётганларга бирмунча ёрдам беради, деган умиддамиз.  
Эслатиб ўтамиз, ўзбекчага ўгирилган ҳар бир сўз «т» ҳарфи билан бошланиши ва тугаши керак.

Рўзноманинг 1991 йил 21 декабрь сонига чоп этилган «Сеҳрли тўртбурчак»нинг жавоби:  
1. Палов, 2. Анапа, 3. Лафет, 4. Опера, 5. Ваган. Ушбу бошқотирманинг

## МИЛИЦИОНЕРНИНГ ЮРАК СИРЛАРИ

### ДИЛБАРИ ЖОННИМ ҚАНИ?

Бир кўрай деб келдимю лек, дилбари жоним қани? Каломига, оҳ, ташнаман, тиллари болим қани?

Матъюс-маҳзун нигорида икки лашкар сарфланиб, Юрагимга ўқ отувчи найза-ништорим қани?

Юзларимни тутсам дейман Висолининг сабосига, Боқсам дейман қайта-қайта қомати раъносига.

Нурлар оқса кўзларимдан, термулсам гар шаҳлосига, Мадорим, зиё-тафтим — Ойу Қуёшнинг қани?

Муҳаммаджон, изладинг кўп, изла, сенга толе ёр, Излайвергин дилороминг, тиним билмагин зинҳор.

Бахтинг учун кураш фақат, енгилмаклик эрга ор, Шунда келар асалингу ширии забонинг сани.

Муҳаммаджон УСМОН,  
—терговчи милиция катта лейтенанти.

## БЎЛМАСА

(БИР ПОРАХЎР ТИЛИДАН)

Бўлмас эдим порахўр, дилим ифлос бўлмаса, Текин пулга азалдан менда ихлос бўлмаса.

Умид билан қарайман, қабулимга кирса ким, Битмас иши, ҳиямати кўнглимга мос бўлмаса.

Менга пора узатмай иш битирган қайси зот, Дерман, агар чўзмаса: «Ўпкангини бос, бўлмаса».

Бошлиқ дегай мени ким, қуролмасам кошона, Оғилхонамда қўш-қўш сизир, новвос бўлмаса.

Миш-миш гаплар таралмиш ноҳос эмишман ишга, Турмас эдим постимда, иш менга хос бўлмаса.

Дўстлар айтган сўзмининг ёлғони йўқ заррача, Нусрат асло ёзмасди, сўзларим рост бўлмаса.

Нусрат АБДУСАЛОМОВ.

МАНЗИЛГОҲИМИЗ: 700029, Тошкент, Лопатини кўчаси, 1.

Ўзбекистон Жумҳурияти «Шарқ» нашриёт-матбаачилик концерни  
Босмахонаси. 700093, Тошкент, Ленинград кўчаси, 32.

Телефонлар: муҳаррир — 54-37-91,  
муҳаррир ўринбосари — 39-77-23,  
муҳбирлар бўлими — 59-26-56,  
умумий бўлим — 59-21-21.

«ПОСТДА» — («НА ПОСТУ») Орган коллегии МВД Респубики Узбекистан  
43370 нусхада чоп этилди.